

**UJEDINJENE  
NACIJE**



Međunarodni sud za krivično gonjenje  
osoba odgovornih za teška kršenja  
međunarodnog humanitarnog prava  
počinjena na teritoriji bivše  
Jugoslavije od 1991. godine

Predmet br. IT-08-91-PT

Datum: 19. avgust 2009.

Original: engleski

**PRED PRETRESNIM VIJEĆEM III**

**U sastavu:** sudija Iain Bonomy, predsjedavajući  
sudija Ole Bjørn Støle  
sudija Frederik Harhoff

**Sekretar:** g. John Hocking

**Nalog od:** 19. avgusta 2009.

**TUŽILAC**

**protiv**

**MIĆE STANIŠIĆA  
STOJANA ŽUPLJANINA**

**JAVNO**

**NALOG O RASPOREDU PRETPRETRESNE KONFERENCIJE I POČETKU  
SUĐENJA S NALOGOM O OKONČANJU PRIVREMENOG PUŠTANJA NA  
SLOBODU**

**Tužilaštvo:**

g. Thomas Hannis  
gđa Joanna Korner

**Vlada Republike Srbije**

**Vlada Kraljevine Nizozemske**

**Obrana optuženih:**

g. Slobodan Zečević i g. Slobodan Cvijetić za Miću Stanišića  
g. Igor Pantelić i g. Dragan Krgović za Stojana Župljanina

Prijevod

**PRETRESNO VIJEĆE III** (dalje u tekstu: Vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud);

**PODSJEĆAJUĆI** na to da je Mići Stanišiću prvi put odobreno privremeno puštanje na slobodu 19. jula 2005. pod uslovom, između ostalog, da se pridržava naloga Vijeća i vrati na Međunarodni sud onog datuma i u ono vrijeme koje odredi Vijeće;<sup>1</sup>

**PODSJEĆAJUĆI** na to da je Mićo Stanišić u dvije prilike bio pozvan da se vrati s privremenog boravka na slobodi, 11. aprila 2008., nakon čega je uslijedio nalog o ponovnom puštanju na slobodu od 10. jula 2008.<sup>2</sup> i 26. maja 2009., nakon kojeg je ponovo uslijedio nalog o ponovnom puštanju na slobodu 12. juna 2009.;<sup>3</sup>

**PODSJEĆAJUĆI** na to da je pretpretresna konferencija na osnovu pravila 73bis Pravilnika o postupku i dokazima (dalje u tekstu: Pravilnik) zakazana za 25. avgust 2009.;<sup>4</sup>

**UZIMAJUĆI U OBZIR** da, iz administrativnih razloga, pretpretresnu konferenciju nije moguće održati 25. avgusta 2009.;

**UZIMAJUĆI U OBZIR** da je u interesu pravičnog i ekspeditivnog vođenja postupka da se dozvoli dovoljno vremena između pretpretresne konferencije i početka suđenja,

**POSAVJETOVAVŠI** se sa stranama u postupku;

**NA OSNOVU** članova 20 i 29 Statuta i pravila 54, 65 i 73bis Pravilnika;

**NALAŽE** sljedeće:

<sup>1</sup> *Tužilac protiv Miće Stanišića*, predmet br. IT-04-79-PT, Odluka po zahtjevu Miće Stanišića za privremeno puštanje na slobodu, 19. juli 2005., str. 8-9.

<sup>2</sup> *Tužilac protiv Miće Stanišića*, predmet br. IT-04-79-PT, Odluka po podnesku sekretara u vezi s pravnim zastupanjem Miće Stanišića s inkorporiranim nalogom o rasporedu i nalogom kojim se optuženi poziva da se vrati s privremenog boravka na slobodi, 11. april 2008., i Nalog kojim se ponovo odobrava privremeno puštanje na slobodu, 10. juli 2008.

<sup>3</sup> Nalog o rasporedu statusne konferencije i nalog kojim se optuženi poziva da se vrati s privremenog boravka na slobodi, 26. maj 2009.; Nalog kojim se ponovo odobrava privremeno puštanje na slobodu, 12. juni 2009.

<sup>4</sup> Nalog o rasporedu pretpretresne konferencije, 8. juli 2009.

*Prijevod*

- (A) pretpretresna konferencija će se održati u petak, 4. septembra 2009. u 14:15 sati u sudnici br. 1;
- (B) suđenje će početi u ponedjeljak, 14. septembra 2009. u 14:15 sati u sudnici koju će odrediti Sekretarijat;

**NALAŽE** Mići Stanišiću da se vrati u Pritvorsku jedinicu Ujedinjenih nacija do ponedjeljka, 31. avgusta 2009., čime se okončava njegov privremeni boravak na slobodi;

**ZAHTIJEVA** od Vlade Republike Srbije da obezbijedi da se Mićo Stanišić pod stražom sprovede od Beograda, Republika Srbija, do aerodroma Schiphol ili nekog drugog aerodroma u Nizozemskoj i preda pod nadzor imenovanih službenika Vlade Kraljevine Nizozemske;

**ZAHTIJEVA** od Kraljevine Nizozemske da obezbijedi da se Mićo Stanišić pod stražom preveze s aerodroma Schiphol ili nekog drugog aerodroma u Nizozemskoj i preda pod nadzor Pritvorske jedinice Ujedinjenih nacija; i

**NALAŽE** Sekretarijatu da obavi sve praktične pripreme, uključujući uspostavljanje veze s Vladom Kraljevine Nizozemske i Vladom Republike Srbije, kako bi omogućio Mići Stanišiću da se vrati 31. avgusta 2009.

Sastavljeno na engleskom i francuskom jeziku, pri čemu je engleska verzija mjerodavna.

/potpis na originalu/

Iain Bonomy,  
predsjedavajući

Dana 19. avgusta 2009.

U Haagu,

Nizozemska

**[pečat Međunarodnog suda]**